

Tony Green: Kico ta bon di San Nicolas?

ORANJESTAD (AAN): Ata aki loke Tony Green a bisa: E pasenshi di su pueblo!

Pueblo di San Nicolas atravez di aña a demostra un pasenshi incomparable! Hasta awor na momento di skirbi e articulo aki, pueblo ta demostrando su pasenshi cu e entrada di San Nicolas tur kibra ya pa mas cu 1 aña y mey!

San Nicolas a demostra su pasenshi desde 1985 te cu awe en espera pa un mihor bida economico y social pa e pueblo aki.

Un miedo nos tin, ta cu hasta pasenshi sa caba un dado momento. Ohala cu esun di San Nicolas no caba por lo pronto.

Na Aruba...

E luna aki tin seminario riba Medio Ambiente

ORANJESTAD (AAN): Ayera 5 di Juni tabata un dia cu henter mundo a celebra "Dia Mundial di Medio Ambiente". E tema e aña aki ta "Pa bida na mundo". Si nembargo den apoyo di "Aña di Oceanonan" di Nacionan Uni, e sub-tema, pa e paisnan cu tin regionnan costera, lo ta "Scapa nos lamannan".

For di Fundacion FAMA, esta "Fundacion pa Medio Ambiente di Aruba", a ricibi un interesante articulo riba e tema aki. Ta asina cu e celebracion internacional principal a ser teni ayera na Moscu, Federacion Ruso.

Dia Mundial di Medio Ambiente ta un celebracion cu anualmente ta tuma lugar na varios manera, incluyendo marchanan den caya, parada riba bicicleta, conciertonan, traha opstel pa competencia na schoolnan, planta mata, recicla, y tambe campananan di limpieza.

Dia Mundial di Medio Ambiente ta un evento multi-media cu ta inspira miles di periodista pa skirbi y raporta riba medio ambiente. E ta un evento visual cu documentarionan riba TV, exhibicion di foto- y posternan.

E ta tambe un evento intelectual pa esnan cu ta organiza seminario, reunion di mesa rondo, y simposio.

En total, Dia Mundial di Medio Ambiente ta sirbi pa expande accion publico y politico, y pa promove conocimiento publico pa e medio ambiente. Nacionnan Uni su programa ambiental ta amplia nan agenda:

(1) Pa muestra riba e parti humano relaciona cu Medio Ambiente.

(2) Dunando hende e poder pa ser agentenan activo pa desarojo duradero y corecto.

(3) Promoviendo un compromiso cu comunidannan ta esnan cu por cambia e manera di ser relaciona cu nos Medio Ambiente.

(4) Reinforzando e necesidad pa un mihor compromiso di asuntunan Medio Ambiente Globalmente y educacion ambiental.

(5) Promoviendo cooperativnan cu ta sigura tur nacion y hende pa goza di un futuro mas sigur y prospero.

Relaciona cu e Dia Mundial di Medio Ambiente, Fundacion FAMA a planea un seminario pa Dialuna 15 di Juni 1998 for di 3'or pa 6'or di atardi na Seaport Conference Center.

Ta esencial pa tur organizacion cu ta involvi y cu por influencia decisionnan importante relaciona cu Nos Medio Ambiente participa na e seminario aki, cu ta di suma importancia pa Aruba. Tur lo ricibi un invitacion for di miembronan di FAMA.

Procurador General nobo a bishita Ministro Tico Croes




ORANJESTAD (AAN): Procurador General nobo pa Aruba, esta mr. W.R. Rosingh, a bishita Ministro di Husticia interino, esta Eddy Croes.

Rosingh a cera conoci cu Ministro Croes prome cu el a huramenta dilanti Gobernador. Rosingh no ta completamente desconoci cu nos pais, ya cu el a yega di traha


na Antiyas como Fiscal.

Pa un casualidad e tempo ey, di 1972 pa 1975, Ministro Vos tabata Ministro di Husticia di Antiyas.



CARIBBEAN BOAT REPAIR

Bas Bok N.V.
Noord 36-B • Tel: 870658

Boston-Whaler Mako Roballo Crolina-Skiff Sea-Pro Sun-Runner	 Parts Service Repair	Mercruiser Evinrude Polaris Jet-Ski Volvo-Penta Continental- Boat trailers
--	---	---

*We do all kinds of repair. Inboard, Outboard, Diesel and Gas engines.
We have certified mechanics and a fully equipped workshop.*

**Problems with your
boat or engine???**

**Call: 870658
We do it fast!
We do it good!**

FUTBOL - FUTBOL - FUTBOL - FUTBOL - FUTBOL - FUTBOL

CENTRO DI BARIO PIEDRA PLAT / S.V. BRITANNIA

TA PRESENTA

FUTBOL DI DAMAS INTERNATIONAL'

DEN STADION G.P. TRINIDAD

ANTE SALA PA FRANCIA '98

ENTRE: MIAMI U.S.A. / CORSOW / Y ARUBA

DIASABRA 6 JUNI PA 7:00 P.M.

MIAMI U.S.A Vs CORSOW

DIADOMINGO 7 JUNI PA 6:00 P.M.

MIAMI U.S.A. Vs ARUBA

SIGUI PA RIVERPLAT v.s. CARAVEL

ARUBA CORDA BIN APOYA NOS SELECCION NACIONAL!

PREBENTA PA DOS ANOCHI AFL. 15,00

NA PORTA AFL. 10,00 PA ANOCHI

OUTLET / BRIGHT BAKERY / PIEDRA PLAT ENTERPRICES / KWIHI INN

